



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Barcinonensis n. 3

urn:nbn:de:hbz:466:1-38486

tineret. Scimus eos habendis concionibus, confessionibus audiendis, iuuentute literis & moribus instruenda, sacris literis publicè interpretandis, docenda Christiana disciplinâ, ægrotis ac vinclis inuisendis, alijsque id genus operibus, nec id modico Ciuitatis fructu & gaudio, assiduè occupari,
Eorum vita, quam casta, & incorrupta. Vitam vero ita castam, & incorruptam ab illis agi, ut exemplo non minus, quam eruditione, & institutione profint. Quo factum est, ut magnam probitatis, ac doctrinæ famam, & obtinuerint hactenus apud nostrates homines, & nunc quoque retineant. Quæ cum ita sint, oramus si qui sunt, qui falso illi rumori fidem adhibuerint, eam opinionem longe abijciant, & quam de huius Societatis IESV Patribus existimationem bene conceperant, eam liberè, ac tuto conseruent.
Sic Ibid. num. 112.

3. A BARCINONENSI: *Quæ erga nostrum Ordinem se egregie piam semper, atque benignam præbuit: præque ceteris pignoribus illud à Concilio Regio præbitum est. Misere hominem ad Collegium, qui aliquantum pecunia elemosynæ nomine deferens totius Consilij verbis diceret, Cognouisse ipsos quām utilis in publicum Sociorum opera esset, ac rogare, ut ab Generali Præposito vi- cissim communicationem benefactorum Societatis ipsis im- petrarent. Cui voluntati satisfieri in omnes partes non potuit. Re- sponsum est enim quomodo alijs quoque idem potentibus respondeba- tur: id doni non vniuersè Corpori ciuium, sed hominibus viritim so- lere concedi. Hec Ibid. lib. 5. num. 52.*

Participa-
tio bonorum
spiritua-
lium Socie-
tatis, ex-
petita.

Et funda-
tio Collegij
Vallis Tel-
lina anxi-
gescata.

4. A PONTANENSI, *Cuius Legati in Conuentu Grisonum pro Collegio in valle Tellina fundando, hæc inter alia, eius nomine, verba dedere. Etenim (inquit) si rectè animaduertimus, quæ res cuius bene Instituto hominum Cætui maximè ne- cessaria est, ea nos laboramus maxime, liberum Institutione. Quippe non eas colimus terras, ad quas vel locorum ameni- tas, vel lucri magnitudo, vel nominis, & famæ cupido idoneos Magistros alliciat. Inde sobolem nostram haud prope aliter, quam suos belluæ partus, educamus; cibum modo eis,*